



Broj.02-11-2-4094

Goražde, 12.11.2021.godine

Na osnovu člana 2. i 5. Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja («Službene novine BPK-a Goražde», broj: 2/00), Odluke o izmjeni i dopuni Programa utroška novčanih sredstava prikupljenih prodajom poslovnih prostorija u vlasništvu Općine Goražde («Službene novine BPK Goražde, br. 16/06), Odluke o izmjeni i dopuni Programa utroška novčanih sredstava prikupljenih prodajom poslovnih prostorija u vlasništvu Općine Goražde (Službene novine Općine Goražde br: 12/09), Odluke o izmjeni i dopuni Programa utroška novčanih sredstava prikupljenih prodajom poslovnih prostorija u vlasništvu Općine Goražde («Službene novine Općine Goražde, br:7/15) i Pravilnika o utvrđivanju uslova konkursa i postupka rada Kreditnog odbora u realizaciji Programa utroška novčanih sredstava prikupljenih od prodaje poslovnih prostora u vlasništvu Općine Goražde, broj: 02-02-165/07, Gradonačelnik Grada Goražda, **r a s p i s u j e**:

K O N K U R S

za dodjelu kredita u cilju podsticanja bržeg zapošljavanja na području Grada Goražda

I.

Predmet konkursa je dodjela kreditnih sredstava Grada Goražda koja se mogu koristiti za:

- 1) Nabavku opreme :
 - za proizvodne djelatnosti – rok povrata 72.mjeseca uz grejs period od 12. mjeseci,
 - za poljoprivredu i turizam - rok povrata 5 godina,
 - za uslužno zanatstvo – rok povrata 4 godine,
 - za trgovinu, ugostiteljstvo i druge oblasti – rok povrata 3 godine,
- 2) Rekonstrukciju postojećih građevinskih i infrastrukturnih objekata, te izgradnju, dogradnju ili preuređenje istih, ako se kroz takva ulaganja omogućuje unaprijeđenje proizvodnih procesa privrednog subjekta i zapošljavanje :
 - za proizvodne djelatnosti, poljoprivredu i turizam - rok povrata 5 godina,
 - za uslužno zanatstvo – rok povrata 4 godine,
 - za trgovinu, ugostiteljstvo i druge oblasti –rok povrata 3 godine,
- 3) Radni kapital :
 - za proizvodne djelatnosti, poljoprivredu i turizam - rok povrata 5 godina,
 - za uslužno zanatstvo – rok povrata 4 godine,
 - za trgovinu, ugostiteljstvo i druge oblasti –rok povrata 3 godine,

II.

Sredstava namjenjena kreditiranju projekata za podsticanje bržeg zapošljavanja mogu se koristiti kao sredstva na kreditnoj osnovi u iznosu od 8.000,00 KM po jednom novom ili već zaposlenom uposlenik, koja se odobravaju na vremenski period maksimalno do 7 godina (zavisno od namjene) po kamatnoj stopi od 3 %. Visina odobrenih sredstava, kao i način i rok vraćanja odrediće se pojedinačnim Ugovorom.

III.

Na konkurs se mogu prijaviti pravna lica, s prebivalištem u Gradu Goražde ako ispunjavaju slijedeće uslove :

- 1) Da obezbjeđuju zapošljavanje ljudi koji su na evidenciji Službe za zapošljavanje BPK Goražde najmanje 30 dana (prednost imaju demobilisani vojnici), ako se radi o obezbjeđenju novih radnih mjesta ili da obezbjeđuju održavanje postojećih radnih mjesta;
- 2) Da ljude koje zaposle, odnosno ljude koji su već zaposleni, zadrže u radnom odnosu najmanje dok traje otplata kredita;
- 3) Da su u stanju osigurati povrat sredstava;
- 4) Da posjeduju potrebne uslove za realizaciju projekata za koje se traže sredstva;
- 5) Da manjim sredstvima obezbjeđuju zapošljavanje većeg broja ljudi;
- 6) Da imaju programe orjentirane ka razvojno-izvoznom konceptu;

Zahtjevi subjekata koji su u stečaju ili postupku likvidacije neće se razmatrati.

IV.

Prijava na konkurs za pravna lica treba sadržavati potrebnu dokumentaciju:

1. Zahtjev za kredit, u kojem će biti naznačen iznos i namjena kredita;
2. Rješenje o upisu u sudski registar usklađena sa Zakonom o privrednim društvima ili upis osnivanja,
ako se radi o novoosnovanoj firmi; Rješenje Gradske uprave o registraciji samostalne radnje;
3. Obavještenje Federalnog zavoda za statistiku o razvrstavanju poslovnih i drugih subjekata prema djelatnosti i dostava Identifikacionog broja iz Poreznog ureda;
4. Uvjerenje Porezne uprave o nepostojanju dospjelih i neizmirenih obaveza po osnovu javnih prihoda;
5. Uvjerenje Službe za zapošljavanje BPK Goražde za lica sa kojima će se sklopiti ugovor o radu ako se radi o novom zapošljavanju, odnosno ugovor o radu zaključen sa zaposlenim licem ako se radi o obezbjeđenju održavanja postojećih radnih mjesta i izjava da će to lice zadržati u radnom odnosu najmanje dok traje odplata kredita;
6. Računovodstveni set finansijskih izvještaja:
 - a) za privredna društva d.o.o. i d.d. (bilans stanja, bilans uspjeha, izvještaji o gotovinskim tokovima, izvještaji o promjenama u kapitalu)
 - b) za STR, SUR, TR (izvještaj o razrezu poreza)
7. Dokaz o trenutnom broju zaposlenih i izmirenim obavezama od PIO Goražde, ne starije od 30 dana,
8. Žiro račun otvoren kod banke,
9. Dokumenti koji dokazuju namjenu kredita (Ugovori, računi

10. INVESTICIONI PROGRAM (istorijat firme, visinu i namjenu potrebnih sredstava, djelatnost koju obavlja i kojom će se baviti, početak obavljanje djelatnosti, prijedlog i način realizacije zapošljavanja, način finansiranja i pretpostavljene ekonomske i finansijske pokazatelje o dobivenoj finansijskoj podršci, projekcija novčanih tokova u periodu korištenja sredstava (prihodi i rashodi), navesti potencijalne rizike, konkurente, snadbjevače i kupce).

11. Opis ponuđenog obezbjeđenja.

- dokaz o vlasništvu ili posjedovanju zemljišta ili objekata (posjedovni list ili izvod iz katastra), ili ovjeren ugovor o zakupu zemljišta ili objekta podobnim za hipoteku;
- obezbjeđenje žiranata,
- ugovor o osiguranju kredita zaključen sa osiguravajućim društvima,
- dr. sredstva obezbjeđenja povrata kreditnih sredstava koje banka koristi u svom poslovanju.

12. Ostalu dokumentaciju na zahtjev Kreditnog odbora.

V.

Prijave za dodjelu sredstava iz tačke I. razmatrat će Kreditni odbor, a odluku o dodjeli sredstava donijet će Gradsko vijeće Grada Goražde nakon prijedloga Kreditnog odbora.

Kreditni odbor zadržava pravo praćenja realizacije, kao i kontrolu namjenski utrošenih sredstava.

VI.

Pravna lica podnose prijavu za dodjelu sredstava na obrascu zahtjeva za uključivanje u program bržeg zapošljavanja na području Grada Goražde u roku od 15 dana od dana objavljivanja na oglasnoj ploči Gradske uprave Grada Goražda sa potrebnom dokumentacijom na adresu: ul.M. Tita br.2 u Goraždu.

Obrazac za prijavu na Javni poziv podnositelj zahtjeva može podići u Gradskoj upravi Grada Goražde u Službi za poslove Vijeća. Sve ostale informacije mogu se dobiti na telefon 038/241-450.

GRADONAČELNIK GORAŽDA

Ernest Imamović